

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

381 Ўзбекистон алоқа ва ахборотлаштириш агентлиги тўғрисидаги низомга ўзгартириш ва қўшимчалар киритиш ҳақида

«Почта алоқаси тўғрисида»ги Ўзбекистон Республикаси Қонунига ўзгартириш ва қўшимчалар киритиш ҳақида» 2009 йил 22 апрелдаги ЎРҚ–211-сон Ўзбекистон Республикаси Қонунига мувофиқ Вазирлар Маҳкамаси **қарор қилади:**

1. Вазирлар Маҳкамасининг 2004 йил 7 майдаги 215-сон қарори (Ўзбекистон Республикаси ҚТ, 2004 й., 5-сон, 47-модда) билан тасдиқланган Ўзбекистон алоқа ва ахборотлаштириш агентлиги тўғрисидаги низомга иловага мувофиқ ўзгартириш ва қўшимчалар киритилсин.

2. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.Н. Арипов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2009 йил 22 август,
244-сон

Вазирлар Маҳкамасининг
2009 йил 22 августдаги 244-сон қарорига
ИЛОВА

Ўзбекистон алоқа ва ахборотлаштириш агентлиги тўғрисидаги низомга киритилаётган ўзгартириш ва қўшимчалар

9-бандда:

а) бешинчи хатбоши қуйидаги таҳрирда баён қилинсин:

«почта тўловининг давлат белгилари намуналарини тасдиқлайди ва почта маркаларини нашр этиш, уларни муомалага киритиш ва муомаладан олиб қўйиш тартибини белгилайди»;

б) қуйидаги мазмундаги еттинчи — ўнинчи хатбоши қўшилсин:

«почта тўловининг давлат белгилари давлат коллекцияларини шакллантиради;

франкироваль машиналардан фойдаланиш тартибини белгилайди;

почта алоқаси миллий оператори ходимининг формали кийими ва кўкрак нишонини тасдиқлаш ҳамда кийиш тартибини белгилайди;

почта алоқаси операторлари ва провайдерларининг почта, хат ва жўнатмалар ҳамда пул маблағлари ташиш учун фойдаланиладиган транспорт воситаларига жойлаштириладиган махсус фарқловчи белгиларни тасдиқлайди»;

еттинчи — қирқ тўртинчи хатбоши тегишли равишда ўн биринчи — қирқ саккизинчи хатбоши деб ҳисоблансин.